

est aqua clarissima nostra. Et videmus per exemplum
in aqua communi, quod omne quod cum ea coquitur,
nunquam comburitur donec ipsa aqua consumatur,
quantumcumque; etiam ipse ignis sit fortis. Et quando a-
qua consumpta est, hoc quod in vase est comburitur: &
ideo Philosophi iusserunt claudere os vasorum, ut aqua be-
nedicta nostra non exhalaret, sed defenderet a combu-
stione, hoc quod in vase est: Aqua vero cum illis posita
rebus, prohibuit ne ignis combureret, & factae sunt il-
lae res. Quantum magis flamma occupatur, tanto ma-
gis aqua in intimis absconditur, ne ignis calore laedatur;
aqua vero in suo ventre eas recipit, & ignis flammarum
ab eis repellit. Iubeo autem omnes inuestigatores hu-
ius artis, in principio facere ignem leuem, donec facta
sit patientia inter aquam & ignem. Et postquam vide-
ris aquam fixam sine ascensione aliqua, non cures qua-
lis sit ignis, sed bonum est regere cum patientia, do-
nec spiritus & corpus unum fiant, ita quod corporea
fiant incorporea, & incorporea corporea. Ergo aqua 143.
est illa res quae dealbat, & rubore facit. Aqua est quae oc-
cidit & viuificat. Aqua est quae comburit & candidat,
Aqua est, quae dissoluit & congelat. Aqua est quae pu-
treficit & postea facit germinare nouas, & diuersas res.
Vnde, fili, moneo te, quod totum intentum tuum sit in
decoctione aquae, & ne tarderet te, si vis habere fructum,
& non cures de alijs reb. vanis nisi de sola aqua. Coque
ipsam paulatim putrefaciendo, donec mutetur de colo-
re ad colorum perfectum. Et caue quod in principio
non combures suos flores, nec suam viriditatem: & no-
li citè perficere opus tuum. Et nota, quod ianua tua bene
& firmiter sit clausa, ut ille qui est intus euolare non
possit, & Deo concedente, ita peruenies ad effectum.
Natura facit suam operationem paulatiuè: ego vero
volo quod tu ita facias, immò secundum naturam tua sit
imaginatio. Et vide secundum naturam, de qua regene-
ratur corpora in visceribus terræ. Et hoc imaginare per
veram imaginationem & non phantasticam. Et yi-
de similiter quo calore fit decoctio co-
rum, si est violentus vel
sauuis.